

ESTICA

A. 5085

44.

869

12468

Quos etenim tenuis tecum versarier, illos
Paulo post alio comperis ire loci.
Inde fit ut varijs notescant, inde suavis
Illi cum varijs concilietur Amor:
Concilietur Amor, quem quis neget esse Planetis
Absimilem? durat, fixus ubiqꝫ manet.
Sicut enim errantes passim inter sidera stelle
Nil planè amittunt luminis inde sui:
Sic licet è nostro conspectu cedere Amicos
Accidat, atqꝫ ipsos vel petere Indicolas;
Non tamen his animum mutat, non mutat Amorem
Quod mutare locum, est idem Amor, idem Animus.
Sic vos ire meos alio, mutareqꝫ sedem
Fata jubent: vestrum vos pia vota jubent,
Vos mihi quos Fatum fidos sociavit Amicos,
Quos commensales mensa eademqꝫ dedit.
Noster Amor duret, mutatio mutet Amorem
Nulla loci; fixus se de sua sedeat.
Ite bonis avibus: quas votum visere terras.
Expetit vestrum, visite, adite, precor.
Visite submotis, que possent esse, periclis:
Ceptaqꝫ fortunet omnia vestra Deus.

Gratulabar

Eberhardus Schultheiß Halâ-Saxo. Tu-
bingæ, in Collegio Illustri.

F I N I S.

2
DE AUCTORITATE
REGIA,

ET DE
REGNI SVETICI DIGNI-
tate atqꝫ felicitate.

ORATIO,
IN ILLUSTRI GENEROSISSIMO
ET SPECTATISSIMO PRÆCLARISSIMI
morum nobilissimorum & ornatiss. viro-
rum, studiosæqꝫ juventutis maximo confessu,
in Regia Sveciæ Salana a. d. 12. Aprilis

anni 1626

publice recitata

JOHANNE SIMONIO,
Skyttiano Oratoriæ P. P. &
ordinario.

UBSALIE,
Excudebat Eschillus Matthiæ, anno 1626.

SERENISSIMI ET POTENTISSIMI RE-
gis Bohemiae Consiliario intimo, & Legato, Domino
Ludoico Camerario, Jcto eximio, viro Magni-
fico & nobilissimo:

Illustribus & Generosis, ex illusterrimo Senatorum Regni Sve-
ciae ordine, Dominis,

DN. AXELIO OXEN-
STIERNA, L. B. de Rymetho/Dn. in Fiholm & Y-
döön/&c: potentissimi Sveonum Regni Cancellario
amplissimo & magnificientissimo,

DN. IOHANNI SKYTTE,
Seniori, Libero Baroni in Duderoff, Dn. in Grönssö
& Strömsrum/ equiti aurato, Regiae Cameræ admi-
nistratori, Academieq; Ubsaliensis Cancellario ma-
gnificientissimo;

Generoso nobilissimo strenuoq; viro,

Dn. IACOBO IACOBI,
Supremi Regij Judicij Vicepräsidii,

Dominis meis gratos, Patronis colendis, Mæcenatibus
honorandis.

Serenissimi & Potentissimi Regis Bohemiae Ma-
gnifice & Nobilissime Dn. Legate: Illustres
& Generosi Dn. Barones, huius Regni am-
plissimi Senatores, alter eiusdem, alter inclu-
ta Ubsaliensis Academia Cancellarie magni-
ficentissime: Generose & nobilissime supremi
Regii Dicasterii Vicepræses: Domini gratiosi,
Patroni colendi, Mæcenates honorandi:



Vi rusticatum proficiscuntur,
solent non raro vilioribus cibis,
quales gens illa agrestis suppeditat,
se oblectare: & Catonem
atq; Scævolam, Romani quoniam
Imperij principes, accepi-
mus etiam conchas animi causa legiſe. Vobis,
viri Magnifici, illustres, generosi & nobilissimi,
placuit, dissertationculæ meæ quā ingentia, quæ
Deus huic Regno Sveciæ, sub felicissimo Serenissimi,
Potentissimi atq; invictissimi Principis &
Domini, Dn. GVSTA VI ADOLPHI,
Svecorum, Gothorum, Vandalarūq; Regis, &c.
Domini nostri clementissimi imperio, beneficia

quæ, si non allium & pultem olet, tamen minus
comta atq; ornata est, benignissimè interesse.
Quod sumnum & eximium tantorum Viro-
rum erga me studium ut grato animo me agno-
scere testarer: volui eam typis descriptam ad ve-
stram Magnificentiam, ad illustres vestras gene-
rositates, & nobilissimas dominationes, venire:
ut ab illis, cum à Svada non possem, præsidium
quærerem. Vos, Rerump. lumina, reverenter
oro, benigno vestro obtutu, eximia humanita-
tis benignitate temperato, has quasi conchas di-
gnemini, meæ in vos observantiae monumen-
tum. Quibus ut DEus Opt. Max. bene fa-
veat, & felicia indies incrementa cum perenni
valetudine præstet, ardentibus eum votis ro-
go, & obtestor. Vbsaliæ a. d. X. Aprilis
M. DC. XXVI.

Vestra Magnif.

Vestrarum illustrium Generositatum,

Nobilissima dominationis

studiosissimus

JOHANNES SIMONIUS

S I X O

Serenissimi & Potentissimi Regis Bohemiae Dn. Lega-
te, vir Magnifice & nobilissime: Illustres & Generosi
ex illustrissimo Senatorum Regni Sveciæ ordine
Domini Barones, nobilissime & amplissime Regij
supremi judicij Vicepræses; Domini mei gratiosi:
admodum Reverendi, magnifici, consultissimi, cla-
ritissimi doctissimiq; Domini, Archiepiscopi: Aca-
demia hujus Rector: Potentissimi Regis Sveciæ sa-
crorum Antistes Dn. J OH A N N E S B OT VIDI:
omnium ordinum Regiæ hujus Salanae Professores:
Generosi & illustres litteris addicti Barones, nobi-
lissima & ornatissima studiosæ juventutis concio:



Ircumferentibus nobis ingenij
corporisq; oculos in hanc rerum
univeritatem, inq; ea, quæ à cō-
ditu creaturarum in hoc terrarū
longè patente diffusoq; orbe ac-
ciderunt, aspicientibus; fieri nō
potest, quin per plurima in cogitationē veniant,
quæ in animis nostris admirationem pariant cō-
cidentq; summam. Non ab ovo repeto, quæ Deus
immortalis opera stupenda patravit; mundi ob-
peccata per universale Diluvium deletionē; Sodo-
morum, terreni Paradysi, flammis de cœlo horri-
bili-
A 3

tötens, atq; adhuc horrendum aspectu, mutatio-
nem; & his recentiora, Filij Dei nativitatem,
passionem, mortem & resurrectionem: quæ, &
id genus alia, admirabilitate sua superant cæte-
ra omnia, quæ unquam mirifica humano generi
potuerunt videri. De ijs miris loquor, quæ inge-
nio humano obvia, ab industria mortalium pro-
fecta, manibusq; eorum elaborata legiūs: qua-
lia quondam fuerunt septem illa toto mundo
cantatissima opera, Pyramides Nili, Turris Pha-
ria, Muri Babylonici, Templum Dianæ Ephesi-
nae, sepulchrum Mausoli, Colossus solis apud
Rhodios, & simulacrum Iovis Olympici: qui-
bus alijs octavum addiderunt, domum Cyri: quæ
omnia fuerunt eiusmodi, ut omnes gentes admira-
tione sui aliquando completerent. Verum hæc
omnia, mirum quidem in modum admiranda,
excedit hoc quod videmus, esse aliquē hominem
in tanto dignitatis fastigio collocatū, ut eum u-
num multæ hominum myriades reverantur, ad
eius sese nutum componant, cuius voluntati ma-
re, terra, sylvæ, agri pareant atq; obsecudent:
huncq; unum sæpè videmus, felicitate inaudita,
res tot tantasq; terra mariq; in bello togaq; cō-
ficere, quibus sustinendis vix decem sufficerent
Atlantes. Huius maximè mirabilis rei, à qua

dubio

dubio procul, tanquā ex uberrima scaturagine, o-
mnia felicia, quibus respicere irrigātur & re-
creantur, profluunt, caussam alijs Maiestatem
Regni Regisq; faciunt. Quod etsi adeò non
impugno: n̄dem tamen mihi concedere necesse
habent, plurimos fuisse Reges & Principes, in
quibus nulla apparuerit Maiestas vera, quos
ἄλασος potius, quam augustos, & pestes generis
humani, quam Servatores dixeris: qui Maie-
statem in orbis pernicieni contulerint. Res
itaq; postulare videtur, ut diversam à Maiesta-
te, quæ cum summis imperijs & excelsis solijs in-
dissolubili nexu coniuncta est, caussam inquiran-
mus talem, quæ magis sit in ipso Principe, quam
in Principatu. Eam, aliorum iudicio salvo,
censeo esse Auctoritatem: quam voco vim & pō-
dus & gravitatem, propter quam Principem sub-
diti sua sponte, suaq; voluntate observant, &
faciunt magni: ex qua, ceu ex monte Hermone-
tos, Felicitas in Rerū publicam promanat.

De hac Regia auctoritate hoc tempore di-
cturus, primò, unde illa sit, commemorabo: deinde,
de Potentissimi huius Regni dignitate & fe-
licitate pauca subiçiam. Vos Rerū publ. lu-
mina, vestræ benevolentæ lucem mihi perbeni-
gnè alluce: & tu magnifica, admodum reveren-
da, clarissima, generosissima, doctissima & splē-
didissima concio, ut me humanissime audias, ob-
nix è maiorem in modum te oro.
Pen-

Penitus autem mihi rimanti Autoritatis Regiae causam, è duobus illa fontibus profluere videtur, divino & humano: ex quibus illud *primarium Auctoritatis principium*, hoc *secundarium* vocare licet. Vnde enim oculus videntis: unde gubernator auctoritate valens: Dominus, inquit sapientissimus Rex, fecit oculum videntem. Verba pauca, ingens pondus. Quid enim oculus hominis? Dominus hunc pretiosissimum thesaurum fecit, sic, ut omnia, quae iusto distant intervallo, & sunt conspicua, oculus noster benè affectus dignoscatur atque intelligatur. Est & hic Auctoritatis Regiae oculus à Deo, sed ita factus, ut Rex eo, non modo, quæ ante pedes sunt, sed etiam longè absentia; nec iusto intervallo soli, sed multis quoque parasangis distantia per videre atque cognoscere queat, etiam si sœpè tenebris fuerint obiecta & involuta. O rem stupendam! Oculum in hominis corpore Deus ita extulit, ut eum in summo capite, in fronte positum esse voluerit: cui non solum supercilia & palpebras, quasi præsidium aliquod ad ea, quæ in oculum influere poterant, aut venti malitia iniici, impedienda & depellenda: sed clarissimum quoque atque nitidissimum pupillæ iubar ingeneravit. At Principem supra omnes homines elatum Deus in proximosibi dignitatis fastigio collocavit: et sub eius loco.

locavit: nec modo eidem, quæ le Remq; puoncam tegere, contraq; casus adversos, contra improbos tueri queat, Auctoritatem summam cōtulit, sed eundem eximis atq; singularibus donis exornavit atq; illustravit. Quare & ab alijs illustres, illustrissimi, & serenissimi, &c, quia nulli rei difficulti aut abiectæ se superandos concedunt, Potentissimi atq; invictissimi indigentur: & ipsi Auctoritatis suæ feudum supremo Domino acceptum relaturi, se Dei gratia Principes & Reges esse profitentur. Quis porrò, qui scit Iehovæ sanctionem hanc esse, Ego dixi, vos Diuitis; quiq; vivens intuetur eum, cuius iusto arbitrio omnia, quæ ubiq; in regno sunt, stantq; ead intq; quis hæc secum reputans, adeò erit emota mentis, ut non credat, hunc esse aliquid DEo proximum, aut simile: quiq; neget, huic Deum maiestatis suæ particulam aliquam communicasse: vel certè, regiani auctoritatem ab illa, tanquam à primo conferente, pendere: Est itaq; Regis Auctoritas à Deo. Hic, quoties vult, aliquod regnum florere, dat ei viros heroicos, eosq; auctoritate instruit: cum ipsi ludibrium, propter peccata populi, debet Respublica, dat pueros. Quò magis abominandi sunt Epicurei, qui omnia fortuitō fieri furenter dixerunt: & Anabaptistæ, qui omnem superioritatem legibus ar-

B

matam

matani iugulant: & Pontificis, qui Majestatem pedibus conculcant: & alij, qui, inopiae & solitudinis opprimendae causa, a potentioribus introducta imperia nugantur. Dixi de primaria Auctoritatis Regiae causa.

Huic alia quædam ministrant: quorum aliqua in ipso Regente sunt, alia ipsum circumstant: quæ humana dici possunt subsidia, non quod ea in solius hominis sint potestate; id enim affirmare, est Ethnicum; cum & hæc ipsa nullum alium agnoscant auctorem, nisi solum Deum: sed quia hæc sunt ab hominibus, quibus gratia divina bona ista communicavit. Fuerunt quidem in Ethnicis ex inia quoq; & heroe multa, quibus Remp. gubernarunt, illustrarunt, auxerunt, quæ litterarum monumentis sunt ad nos propagata: quæ si à generali Dei affectione segregaremus, Dei omnipotentia & laudi dubio procul haud parum detraheremus: verum ista tamen, quia non fuerunt ex fide facta, reprehensionem, ut mollissimo utar vocabulo, in iudicio Dei gravissimam effugere nullo modo possunt. At hæc subsidia, quæ humana voco, non ex se parata & deponita habent Principes viri, tanquam ex se, sed ab eo, qui est omnis boni dator, felicitatisq; effector.

Hic enim sanctum Auctoritatis diadema ex
ex incomparabilibg. genuit, ex Pittate, Justitia in-
ximilitudine

Incomparabilis prudentia, clementia, liberalitate, fortitudine & temperantia exædificatum, Regi ipsi imponit: hic eidem dat senatores fidos, rei domiforisq; gerenda ministros peritos, industrios, cordatos: hic dat aurum & ferrum: hic cuncta largitur, quæcunq; ad auctoritatem Regiam faciunt, omnesq; quarum haec proma condita est, felicitates suppeditat. Princeps autem huius Diadematis unio & carbunculus est Pictas: ex qua Respubl. & incrementum accipit & firmamentum maximuni. Quod ita esse cur dubitamus vos, cum de eo nec Mæcenas nec Seneca dubitarint: ille enim apud Dionem dicitur affirmat, nihil magnum facere euni, qui Deum & religionem contemnat: hic vero aperte negat, posse quemquam supra fortunam emergere, nisi à Deo fuerit adiutus. Et profectò, quid ad comparandam inter mortales eminentiam, quid ad colligendam hominum benevolentiam, aut ad honorem consequendum deesse poterit ei Principi, qui Domino Iehovæ servit: qui, ut ingrediatur Dominus, portas regni sui altissime extollit: qui Ecclesiæ & Scholas nutrit: qui, ut Iehovæ sacra faciat, cum populo in unitum convenit: Nimirum, ut tota Aminadabi donus felix fuit propter Arcæ præsentiam ita regni et præsen-
litij benefacit illis B 2

illis, quæ unam veram & sinceram religionem, non quam quisq; sibi pro arbitrio suo fingit, sed quæ collatis sententijs cū ipsa scriptura examinissim congruit: qualem eam esse profitemur, cuius vox in amplissimis his regnis ubiq; sonat & auditur, quam ab organo Dei Luthero; per quem à pontificijs superstitionibus perpurgata est, denominare non erubescimus: his, inquam, Politij benefacit Deus, quæ unam veram & sincerā religionē fovent atq; amplectuntur: quæ, dum veræ Ecclesiæ hospitia manent, non dissipantur nec delentur; sed stant erectæ, omnibusq; bonis affluentes.

Floruit regnum Aegypti, quādiu posteritati Abrahāmi benefecit: Sed, cum, mutata voluntate, eam affligeret & vexaret: tū venit Moses, tandemq; superbissimus ille Rex cum omnibus suis, cum sua maiestate, cum universa sua gloria in profundum maris Erythræi, ceu plumbum, divinitus submersus fuit. Quare nemini dubium esse debet, quemadmodum omnes pios, sic Reges in primis Pietatem decere.

Huius individui comites sunt reliqui virtutum Iaspides, unde Auctoritatis Regiæ corona perficitur: quare & similes cum illa effectus habent, ut Regem supra omnes efferant, & Républicam maximoperè beent.

Rex iūs inquit sapientissimus Rex erigit

Rex

rigit terras, & qui iudicat in veritate pauperem, eius thronus in æternum firmabitur. Proh Deum immortalem! quanta hæc iustitiæ vis? Inteunt regna, vastantur Lucatus, disperduntur provinciæ, evertuntur urbes, pessum dantur agri, sylvæ, homines; in exitium demerguntur omnia, quæ homines chara habere solent: unde illa calamitas, unde pernicies ab iniustitia. Rursum iacet aliquando vel vi vel alio fato quodam oppressa Respubl., tenuis est dominatio, exiguis limitibus circumscripta iurisdictio: ecce tibi autem eadem, præter omnem non raro exspectationem, erigitur pulcherrimæ, ornatur splendidissimæ, augetur latissime. unde autem & ista, ab ea virtute, quæ Euripide æstimatore, maiorem, quam Lucifer, admirationem sui concitat, à iustitia.

Hanc iustitiæ vim, quam ea Auctoritatis regiæ diademati conciliat, per se magnam, maiorem faciunt aliæ præclaræ gemmæ, Prudentia, clementia, liberalitas. Ut enim Pietas Cygnosura est quædam, ad quam Iustitiam oportet omnia sua tum in præmij dignitatibusq; distribuendis, tum in contractibus, foederibus, pactis, dictis & factis dirigere ac collineare: sic, Prudentia fulgore irradiata, iustitia, oculos in omnes Reip. partes intinxit. B. 3. Satr. C. ratif. ut in iurisprudencia

in Ecclesia & scholis, in aula, in senatu, in curia, in foro, iudicis, urbibus, oppidis, villis, in exportandis & importandis, in vestigalibus, in portubus, in omnibus, quae domi forisq; aguntur; item ut vicinis, amicis, hostibus ipsis, quocunq; reip. tempore, suum cuiq; reddatur atq; tribuat: ad quod conducere præcipiunt Politici, ut Princeps instructus sit arcano libro, qualem Augustini Cæsarem habuisse, ex historijs est videre: qualem Assuerum Regem potentissimum habuisse, in quo Mardochai in Regem benefacta descripta extiterint, vero est simile.

Ita autem Iustitia suum cuiq; dat, ut omnia sciat quidem, sed non omnia perficiat; ut parvis peccatis veniam, magnis severitatem accommodet; neq; poena semper, sed pœnitentiâ sèpius contenta sit. Est enim imperialis auctoritatis, nihil tamen peculiare, quām Clementia & humanaitas, per quam sola DEi servatur imitatio, ut gloriössime rescripsit gloriössimus Imperator Justinianus.

Proximus Clementiæ unio est Liberalitas, dans quibus oportet, & quando, & quid & ubi oportet. Sine enim hoc delectu beneficia (ait sapientiæ alumnus Seneca) proïciuntur magis, quām dantur. Cicero vero benè facta, male locata,

cata, male facta interpretatur, nihilq; stultius iudicat, quām quod libenter facias, curare, ut id diutius facere non possis. Vera autem Liberalitas præclarum est Regiæ Coronæ ornamentum & munimentum. Si vis (inquit Cyrus moribundus apud Xenophontem ad Filium) si vis regnum tuum firmum, muni te amicis; amici autem non nascuntur ex terra, veluti cicadæ, sed fide & benevolentia parantur. Et quem sàpè laudo, Seneca, nihil esse beatius pronunciat, quām multos sibi donis ac muneribus obstringere: & Rex Salomon, Mutuat Iehovæ, qui gratiōsè largitur tenui: & beneficium ipsius rependet ei.

Sed, quemadmodum in priscis priscorum coronis erant tori, quibus sustinebantur, in recentioribus imperatorum quidam ramuli altius consurgentes, qui sua coitione in fastigium convolvebantur, & quibusdam locis aliquid turgidi representabant, unaq; cum lamina, caput ambiente, coronam fulciebant, eique formam suam & integratatem non modo efficiebant, sed quoq; conservabant: quæ & ipsa erant maximi valoris unionibus stipata: eodem modo auctoritatis regiæ quasi ramuli, & lamina bracate ex lapillis pretiosissimis coagmentata, sunt Fortudo & Temperantia. Etsi enim Principem decet, ut sit amantissimus pacis: quam Poëta his verbis com-

comendat: Pax optimā rerum, quas homini nō
visile datum est: tamen vel defensionis, vel recuperationis, vel reipublicae, vel etiam pœnæ causa
sæpè capienda sunt arma, ut in pace sine iniuria vivere liceat. Fortitudo itaq; necessaria
est Principi illi, qui auctoritatis suæ diadema
vult perfectè esse contextum, ut nempè magno
animo constanterq; extrema quæc; ferat, fortu-
nam novercantem rectis æquisq; oculis aspiciat,
in prosperis se ne efferat, nec in adversis animum
despondeat, caputq; necessarijs periculis obiectare
sciat. Sed de hoc postremo quæritur, an con-
ducat Regem ipsum in acie versari. Quod alij
negant, contendentes, Principem instar decem
millium haberi: quo cadente, actum plerumq;
sit de summa rei; sæpè etiam fieri, ut periclitetur
Respublica, si præsertim in incerto sit successor.
Alij contrarium statuunt, quod plus, Tacito au-
ctore, sit in Duce uno, quam in totō exercitu: cū
non possit negari, quod Chabrias olin dixit, ter-
ribiliorem esse exercitum leporum, duce Leone,
quam Leonum, duce lepore. Tacitus autem
hanc litem dirimere voluisse videtur, dum inter
ipsa bella & Principes distinguit. Si enim bel-
la sint minora, & Princeps timidus, infelix, im-
peritus; svadet Cornelius, Martis orchestrā
committi Legatis. Si verò Respub. in magnō
sit periculo, Princeps fortis atq; indisponit.

Strius, qui præsentia sua inclinatum exercitum
sustinere, fugientem revocare posset: si hæc ita
se habeant, consultum putat, ut Princeps ipse stet
in acie. Quod tamen alij Politici temporibus, & hs, quæ negotium circumstant, rebus di-
judicandum committunt. Est ergo Fortitu-
dine ad auctoritatem regis tuendam nihil præ-
sentiūs, ad felicitatem nihil prægnantius: cum is
Princeps, qui seipsum vincere potest, sit invictissimus:
& si instructum habet exercitum, possit
ea, quæ habet, defendere: fundamentales re-
gni Leges à violatione immunes praestare; col-
lapsa erigere: tandemq; acquirere, quæ minimē
rebatur, ad regni sui augmentum unquā adiisci
atq; accedere potuisse. Superest ex internis,
quæ Principis diadema exornant, Temperan-
tia: quæ, cum omnium virtutum certissima sit
conservatrix: quomodo ab auctoritatis diade-
mate regio excludi poterit? Hæc Regem tan-
tò sublimiore reddit, quantò ipse cæteris o-
mnibus conspectior est: hæc eum omnibus bo-
nis commendat: hæc eum à dolis, insidijs, ag-
gressionibus clandestinis, invasionibus Iesuiticis
tutum facit.

Sed sunt coronæ huius & quædam externa
adminicula. Diademi ex auro gemmataq; con-
texto pregiōsum assignari potest in eo lucrum texo
præscribitur.

ciosa apothecat qualem Homeris Iliadi assignasse
scribitur, victo Dario, Alexander Magnus.
Habet & hoc excellens auctoritatis regiae diademata suos, a quibus quam fidelissime observetur,
custodes. Qui sunt autem illi? Amici ac Consiliarii Regis, & obsequentes Cives. Negabis
hoc? & ignem ardere, aquamque humectare ne-
gaveris. Est ita natura comparatum, ut, quan-
to acutius mens videt, videt aut mens regia acu-
tissime; tanto, si aberret, peccet iniquius. Vis
enim heroica, teste Platone, in utramque partem
vehementiores impetus habere censemur. I-
taque moderati Principes, quanquam prudentia
& sapientia excellentes, sibi maximae laudi duxerunt,
alios eximios & praestantes viros in par-
tem curarum sibi adiungere, ut munia reipu-
blicae, sociatis laboribus, felicius exequerentur.
Quid? dixit Otho Imperator, quid? vos pul-
cherrimam urbem hanc domibus ac tectis & con-
gestu lapidum stare creditis? Muta istae & in-
anima intercidere ac reparari possunt: aeterni-
tas rerum, & cum vestrâ mea salus incolumente
Senatus firmatur. Divinitus autem dantur
Consiliarii boni, Regni Regisque amici fidei.
Iehova enim dat prudentem Cancellarium; qua
appellatione, absque omni dubietate, totus ordo
sena-

senatorius continetur. Ut ergo in Consilia-
trijs eximum est Regi præsidium, sic ad eiusdem
auctoritatem firmandam retinendamq[ue] benevo-
lentia Civium plurimum prodest. Nec enim
Princeps officio suo alacriter fungi potest, nisi
subditos amore prosequatur: nec subditi diligunt
eum, quem metuunt: cum duo sint, quæ ad cu-
randum aliquid allicere soleant, id quod propri-
uni est, & cuius charitate quis est incensus.
Conatus sum Regiae auctoritatis diadema
contexere: quanquam minimè eleganti sed rudi,
fortè etiam cruda texturâ. Cuius veritas &
germana efformatio quin maiores, quam hone-
sti forma, admirationes pariat, nemo est, opini-
nor, qui in dubium vocet. Tanta est eius pul-
chritudo, tanta venustas, ut cum ea nulla pul-
chritâ possint comparari.
Sint vix credibilia, quæ de regiarum coro-
narum numero & precio prisci auctores memo-
ravit: sit in aliqua existimatione spectatus
Veterum Regum luxus, aut potius, quam opes
patulit, stultitia: commendet Polybius An-
tiochi Epimanis ter mille & octingentas, quas
in pompa ostentavit, aureas coronas: prædicet
Athenaeus viginti coronas, quibus Rex Agy-
pti Ptolomaeus, & Viginti tres, quibus Regina
Berenice in publicis fidis & subditis donati fie-
runt,

erant, quas curribus etiam aureis in circum
advectas scribit. admirentur alij Regum O-
rientalium in solēnibus exhibitos crateras, lebe-
tes, mensas, sellas, pocula, labra, coronas, vestes,
idq; genus alia; singula smaragdis, beryllis,
carbunculis incrustata, tanta magnificentia, tan-
ta arte, tantis opibus adornata, ut, quibusdam
consentibus, omne, quicquid hoc seculo aspicitur
aut precio magnum, aut artificio rārum, aut usū
admirabile, vile & exile sit præ eo, quod prisca
illa vel magnificentia, vel dementia exhibuit
spectanduni. Demus hæc præsca, sive vera sive
facta sint, esse magna; vincit, vincit illa omnia
hoc regiæ auctoritatis diadema, quod Deum au-
torem & favitorem habet, cuius structura est
non ex caducis, sed durantibus rebus, ex Pie-
tate, iustitia, prudentia, clementia, liberali-
tate, fortitudine, temperantia, aliarumq; quæ
in harum contubernio sunt, virtutum stellanti-
bus gemmis; cuius assevandi & perpetuò ut-
tendi fruēdi adminicula sunt tūm eadem quæ &
parandi, tum prudens ac fidele consilium, civi-
umq; benevolus amor. O firmissimam Re-
gni anchoram Autoritatem Regis! cui, quæ al-
ligata est Reipublicæ navis, hæc non habet so-
lū nulos, quantumvis decumanos fluctus, per-
timescere; sed commoditates quoq; stabiliendi

imperijs secum quamplurimas & singulares de-
vehit, quas suis larga manu coñunicet; adeoq; id
consequitur, ut, tali dominata Rege, æterno qua-
si in portu stans defixa, nec loco poslit moveri,
nec vi hostili frangi, nec vetustate corumpi.

Tali diademate qui post condita imperia
fuerint ornati, certè omnibus temporibus pau-
cos fuisse, non tamen nullos fuisse, annales lo-
quuntur publici. Hac corona radiavit David:
claruit Ezechias; insignes fuerunt Constantinus
Magnus & Theodosius, & inter Germanos Prin-
cipes aliqui. In hoc censu fuit divus G V.
S T A V V S, Sveciæ quondam Rex poten-
tissimus, S R M tis divus avus: qui auctoritate
cœlitus munitus faucibus Tyrannidis sævissimis
potentissimum regnum hoc eripuit, Rempub-
licam libertati restituit, collapsa iudicia erexit,
fidem & veritatem reduxit: templa & scholas
veræ Religionis salvisq; fidei doctrina, quām
latissimè apertis Christo domino Regni sui por-
tis, exhilaravit ac beavit: nec solum beavit, sed
eandem quoq; veram religionem, ex fundamē-
tibus perpetuisq; huius Regni Legibus, acce-
dente universi populi consensu, unam iussit esse:
additis his diris: quicunq; posterorum suorum
hos terminos quoq; tempore movisset, hunc
à regnicolis Regio Sveciæ solio quam maxime
solem-

solemniter detinendum esse. O severitatem! O ardentem veræ Religionis zelum! O dive GUSTAVE! noluisti tibi successorem, horrendi Antichristi satellitem! voluisti, consentientibus omnibus huius Regni provincijs, ad amplissima potentissimæ huius Reipublicæ gubernacula sedere eum, qui, huius regni fundamento, Religioni nullam vim inferret: sed eam potius defendet ac propagaret. Deiectus est, ista tua & regni voce folio huius regni quondam iste ipse, qui Patriæ consulo parere, piaculum ducebatur: exectus est ad idem iste ipse, qui unanimi omnium huius Regni ordinum iudicio, & libera legitimacy alterius tunc exclusione, tum electione dignus existimatius fuit, in cuius fidem & cles fratelli, ut ab hostis vita tutus esset, potentissima hac Resp. configureret ac se recuperet. Divus S.R.M:is Pater, Divus CAROLVS IX, Svecorum Gothorum & Vandorum Rex, Princeps fortissimus, heros nunquam satis laudatus: eius memoria est in æterna benedictione. Quod deficiente in vivis esse, successio in Regnum ad S.R.M:em legitimè delata est: ad quam nunc mea humilis & exilis devolvitur oratio.

Non eos officias, longe proculius esse hanc desideriorum quam viventium enarrare & quidem qui viventibus id faciunt, facile remaneantur. Non in vocatione incurrunt quasi non levolo,

Uirgili

virtuti sed fortuna, non veritati sed Majestati aliquid dedissent: in quod alij adeo aperte non incident. Sed quæ recensebo, ea me non auribus, sed veritati dare, nec rumorem sed rem esse, illustrissimum & clarissimum hoc Auditorum testabitur. Quod, ut me de maximis S.R.M:is rebus pauca delibantem, & balbientem magis quam dicentem, quam benignissime audiat, quanta possum animi reverentia oro & rogo.

Capuanus Episcopus ad tres potentissimos Reges, ad Hispanum, Gallum & Anglum, quodam missus, reversus inde, cum quasitus esset, quid in singulis regnis eximium vidisset, respondisse fertur, se vidisse in Anglia pulchrum Regem, in Gallia pulchrum regnum, in Hispania prudens consilium. Verissime hæc tria de uno hoc S.R.M:is regno dici possunt. Etenim ut hincordiat quid huic SVECIAE regno non in est, quod pulchritudinis laude commendari non possit iustissime: quâ, ut cum Politicis loquar, quantitate, quâ qualitatè? Desideras magnitudinem? est amplissimum, si ab hoc nostro polo diuersus utrumque orbem & Sveticum & Lovenicum usque ad magnum Oceanum, & hinc ad Helleponiti Danici Balthesque confinia mente a magis perigrinarent. Posilia, soli bonitatem nimocque ep' id fragi m

est id frugum, arborum, omniumq; rerum ter-
rā nascentium, & usib; quotidianis necessaria-
rum, feracissimum. Efflagitas urbium & civium
culturam, elegantiam & industriam: neq; hæc
denegari potest: abundat hoc regnum non mo-
dò comodis, sed labore quoq; civium & inge-
nijs. Requiris importandorum & exportando-
rum varietatem: sola Holmia, regia sedes, ti-
bi respondebit: ut Gothoburgum, Calmarniam,
Niecopiam, Telgenium utrumq;, maritimaque
alia huius regni loca: ut Revaliam, Narvan,.
Dorpatum, Aboam, Rigam, VViburgum, a-
liosq; commodissimos portus præterea. Cupis
vestigalia & redditus? est eorum & hic proven-
tus uberrinus. Exigis, quæ anima sunt Rerum-
publ., Religionem & leges? Vtrumq; hic per
DEI gratiam vernal, viret, floret. Viget hic
ius æquabile: legibus omnia dijudicantur; Do-
ctrina verò, quæ in Ecclesiis & scholis florentissi-
mi huius Regni à clarissimis & admodum re-
verendis, præstantissimis & doctissimis viris,
Archiepiscopo, Episcopis, Doctoribus, Professo-
ribus, verbiq; divini præconibus certatim publi-
cè proponitur, est eadem, quam Prophetæ &
Apostoli tradiderunt, quam ipse CHRISTUS
Dominus ad nos ē sinu æterni Patris attulit,

tum

distribuuntur & administrantur. Huic suæ Ec-
clesiæ assidet & semper adest Servator noster, &
dat gratiam, ne Evangelium suum sit ociosum,
sed cordibus, ceu tribus satis fermenti massa,
mixtum, fructum ferat uberrimum. Ipse recreat
convivas suo verbo, veroq; suo corpore & san-
gvine corroborat: ipse docet mentes piorum
easq; confirmat, ne à veritate aberrent, sicut &
ipse precatur: sanctifica eos, Pater, in veritate
tua! Sermo tuus est veritas. Hæc est doctrina,
quam huius Regni Ecclesiæ, Academia, templo,
& scholæ constanter profitentur. Exorta quidem
aliquando & in hoc regno fuit nubecula quædam
Liturgica, non absimilis Sphyngis Augustanæ
tempestati: sed ea mox discussa est; & nunc ita
constricti sunt eius motores, ut se nunquam com-
movere queant: cum contra videamus, alibi cre-
scere docentium odia, furiasq; ambitiosorum in-
geniorum liberè passim graffari, & cælum terræ
miscere. A quibus Furij cum hoc regnum eutum
sit: certè vel ex hoc uno pulchritudo huius Re-
gni satis supercq; patet.

Hanc Regni pulchritudinem illustriorem
facit prudens consilium. Stoici consilium dicunt
esse scientiam perspicendi, quæ, & quomodo se
quispiam gerens, bene & utiliter agat: vel, ut Sta-

D

girates,

gitata ratio. Hac scientia, hac ratione qui va-
lent, Consiliarij dicuntur; à maturitate iudicij
& ingenij Senatores appellati. In hunc or-
dinem quos adoptant Politici, eos volunt ma-
ximi dotibus esse exornatos, ut sint mediocris
ingenij probiq̄ viri, qui dextrè frontem aperi-
ant, mentem sine dolo republicæ caussa tegere
tempori sciant: ut sint prudentes, prouiti, ala-
tres, vigilantes, negotijs pares; indigenæ po-
tius quam exteri, nisi tempora aliud syaserint:
à quibus nunquam recedat pietas, religio, iusti-
tia, temperantia, & omnis virtutum comitatus;
ut sint modestè facundi, ut varijs litigvis instru-
cti, iuriis rerumq̄ gestarum & politicarum peri-
ti: ut in dicendis sententijs vitent adulacionem,
retineant atq̄ sectentur veritatem atq̄ constan-
tiam: ut sint honesto loco nati, taciturni, ab af-
fectibus vacui, à cupiditate alieni: qui multa se-
gendo, audiendo, videndo, agendo sapientiam
sint consecuti.

O veré pulchrum & sapiens consilium!
Gaude Svecia potentissima gaude! tibi tale pru-
dens consilium divinitus contigit! gaude & sem-
piternum isto tanto bono fruere! Tibi Iehova
Deus concessit benignè largitusq̄ est clementis-
simè illustrissimos, illustres, generosos, nobilissi-

mos

mos & amplissimos senatores, viros pietate, rel-
ligione, auctoritate, fide, fortitudine animi, pru-
dentia, rerum usu; omnigenaq̄ virtute donisq̄
insignibus excellentes: quos nominatum referre,
singulorumq̄ laudes debita oratione prosequi,
longius foret, quam hoc tempus patitur.

Verum enim verò & Regno & Regni con-
silio longè pulchrior est, qui utriq; imperat, ipse
Rex. Euntenius ad Constantimum M: Impera-
torem dixisse fertur, non frustra doctissimos vi-
ros tradidisse, naturam ipsam magnis menti-
bus digna corporum domicilia metari: est &
plerumq; verum, quod Divus Ambrosius ait, spe-
ciem corporis esse simulacrum mentis & probi-
tatis. nec illud est in obscuro, solere ea, quæ ab
his, quibus corporis dignitas data est, profici-
scuntur, syavius in animos hominum influere.
Quemadmodum enim poma aurea apposita in
lance argentea, gratiiora redduntur: sic Poëta
test: gratiior est pulchro veniens è corpore virtus.

Hanc virilem dignitatem, elegans illud vir-
tutis doniculum, natura quoq; in Serenissimum
& Potentissimum Regem nostrum contulit.
Sed qui in pulchro illo corpore habitat, animus,
virtutumq; chorus corporis dignitatem tantum
superat, quantum lenta solent alta viburna cupressi.
Quis enim est adeò hostis veritatis, ut in-
ficiari

D 2

ficiari ausit, Coronam illam, quam S. R. M:ti potentissimum Sveciae regnum ante complures annos, cum omnium honorum gratulatione, submissè imposuit: istam coronam à S. R. M:te esse hoc ipso, quod iam à me descriptum est, auctoritatis diadematè auctam: maiestatemq: Regni, à maiestate & auctoritate regnantis incrementum accepisse:

Ingrediamur tempa, scholas, aulam, provincias numero & magnitudine amplas, mare ipsum & ultramarina, quæ S. R. M:ti imperio subsunt: imò, si licet, ingrediamur in interiora S. R. M:ti penetralia: quām ibi nihil est, quod non sapiat veram religionem: quod non ardeat pietate: quod vero veri Dei cultu non flagret:

Ipsam autem Remp. si perlustremus: quām sunt ibi omnia ad normam iustitiae directa: quām prudenter disposita: quām sapienter ordinata:

Quinq: habet hæc Respublica collegia hoc tempore (quibus sextum, quod erit Consistorij, paullò post additum iri, fama est) quibus collegijs, ceu cœlum suis orbibus splendet, ita ipsum Regnum quasi redimitum, clarissimos benè constitutæ Reip. regiæq: auctoritatis radios longè lateq: spargit, diffunditq: Primum est JUSTITIA: cuius tres sunt ordi-

ordines, supremus, medius & intimus: ex quibus hunc obtinent Legiferi civitatum, plebeni quidem, sed honesti & iuris Svetici periti: istum Provinciarum Nomophylaces, viri præcipue nobilitatis & dignitatis: Supremum vero illustrissimi, Illustres & Generosi Viri, Dominus MAGNVS, Comes de Wisingburg, Senator & Regni Archidapifer, Dominus ABRAHAMVS, Comes de Wisingburg, Iudex provincialis VVestmanniorum & Dalkarliorum; Dominus PHILLIPVS SCHEDING in Arnöö, Dominus GABRIEL OXENSTIERNA Liber Baro de Rimfsho, omnes & singuli Regni Senatores: quibus additus est ex primaria nobilitate Vicepræses Dn. IACOBVS IACOBI, vir generosus & amplusimus. Ad hoc iudicium devolvuntur omnes causæ, quotquot in forum veniunt per universum regnum, Criminales & Civiles: Criminales, ut hoc Amphictioniacum iudicet, sine ab inferioribus iudicibus recuse, nisi secus definitum. Nec patet ab hac Basilica provocatio, nisi ad S. R. M:tem solam: penes quam est aut poenam mitigare, aut crimen abolere. Civilium vero causarum actiones fideliter consignatas coguntur ad hoc supremum tribunal Legiferi inferiorum subselliorum ceusendas mittere, ut hic illustrissimus

mus confessus cognoscat, iurene an aliter processum sit: ut sententiae legitimè latæ confirmen- tur, sequiūs dictæ rescindantur. Quo ipso quid posset ad iudicūm (quos plerosq; , ut & caustarū Patronos, absq; conspiciliis hostile scripturas videre non posse, querit Parthenius Litigiosus) quid hoc ipso posset ad iudicūm inferiorum potentiā multorumq; libidinēi comprimendam dari salutarius? quid efficacius? Nullæ autem in hoc iustitiae palatium admittuntur longæ pro- cedendi anibages; nulla Exceptionum, quæ ali- bi ferē infinitæ sunt, effugia; nullæ elusiones; non hic regnat Advocatorū, Procuratorum, a- Etuariorum, scribarum solertia, quorum alijs in locis plurinia sunt examina: quorum plurimo- rum, beneficione an secus dixerim nescio, causæ extrahuntur, lites sunt immortales, bene con- venientes amici inter se, ob Ianam sàpè capri- nam, committuntur, Rei ære & argento emun- guntur, multi non raro ad incitas rediguntur: ut silentio involvam pesterem & perniciem, quam ex his maleferiati nonnulli civitatibus inferunt: à quo hominum genere maxima est in hoc Iusti- tiae collegio solitudo.

Alterum Collegium est MARTIALE, reuires bellicæ deliberandæ, militiæq; negotia sunt commissa. Oportet enim Regiam Maie- statem

mis quoq; decoratam, ut utrumq; tempus & Pa- eis & bellorum rectè possit gubernari: utq; trin- ceps, non solum per legitimos tramites calumni- antium iniquitates expellat, sed etiam in hosti- bus præljs vīctor existat, & sit tām pacis stu- diosissimus, quām vietiis hostibus triumphator magnificus. Huic Martiali collegio prætest Illustris & generosiss Dominus, IACOBVS de La Gardie Comes in Leedoo/ Regni Mar- scalcus. De quo collegio parcus: ne Phormio sim. Illud tamen, quantuni quamq; laudabile sit, ratione dictante nemo non intelligit, quod S. R. M. semper suum dispositum habeat mi- litēti, non exiguum, sed ingenti numero. Quod quām salutare sit Reipublicæ, ei rei experientia testimonium dicit. Florus enim, gravissimus auctor, affirmat, Catilinariæ seditioni; qua nul- la alia Romæ unquam existit truculentior, nul- la ad delendam Remp. paratior; hoc quoq; causam dedisse, quod tūm Romana arma in extre- mis mundi partibus peregrinarentur. Negati- ri quidem non potest, sàpè à Legionibus k o- manis sàvas excitatas fuisse seditiones: & quid ante annos non multos Turcæ, tumultuantibus Ianizaris, acciderit, notissimum est. Sed longè alia est S. R. Mtis Legionum conditio. Nam

sidiarius miles semper & fuit & est coniunctus: hic autem per provincias Regni ita dispositus, ut, se coadunandi, omnis sit ipsi præcisa occasio.

Tertium Collegium est AMMIRALITATIS, cui curæ sunt navalia, classes, tormenta, commeatus, miles nauticus, totaq; in infesto mari præliandi sarcina. Hoc fortissimum militum Collegium regit illustris & generosus Dominus CAROLVS CAROLI Gyllenhallius Archichalassus Regni, Liber Baro in Verqvera: & Viceanumiralius NICOLAUS Flemmingius, in Lectis: quorum, ut & præcedentis collegij, ministros si recensere vellem, plures mihi horæ concedendæ essent. Prudentissimum hoc, quemadmodum reliqua omnia, institutum. Quid enim expeditat urbi, cætera munitiones, si tam unam habeat portam aperiatur, per quam Hostis nullo negotio in eam intrere & se invergere queat?

Quartum collegium est CANCELLARIAE, quæ est prudentiae palestra, populorum solarium, Regis lingua, consilij officina, &c, ut Budæus in Forensibus, iuris atq; acquitatis promotorius, &c oraculum, iustitia ipsa, summi iuris emendatrix. Huic presidet Illustris & Generosus Dominus AXELIUS COPENHAGEN.

Itier-

STIERNA L. B. de Rymetho / Regni Cancellarius magnificentissimus.

Quintum collegium est Regiæ CAMERÆ seu Frici, quo quidem nulla Respublica carere ullo modo potest. Neget Machiavellus, nervum rerum gerendarum esse pecuniam: primarium & ego nego: & quis sobrius affirmaret: Sed ab hac primaria causa proximum sibi locum vendicant Vectigalia, quæ Cicero in Pompeiana, è diametro Maculonem Italicum oppugnans, confirmat esse nervos Reipublicæ & pacis ornamenta & subsidia belli. Quid enim eximium præstabit ea Respublica, quæ non possidet amplissima vectigalia? Sed Machiavellum etiam stultorum magistra erroris validissime coarguit. Camerani aut Regiam administrat Illustris & Generosus Dominus IOHANNES SKYTTE Senior, Liber Baro in Duderoff/ Eq; es Auratus, Regni Senator, & Academiæ huius Cancellarius amplissimus.

Sunt & aliæ Regni partes alijs illustribus & generosis Regni Senatoribus, eximiaq; nobilitatis viris conereditæ: quas hic me præterire oportet tempore exclusum, quibus sua quoq; laus integra & maxima debetur.

Hac est Regij, per hoc potentissimum Regnum, imperij & gubernationis, tenui penicillo ad-

E

ad-

adumbrata forma : quæ tanto cit clarior, quanto illa est major excellentior, quam ut ego eam hac verborum exiguitate potuerim exprimere ; Cuius tum constituendæ tum conservandæ & prudentia & pietas, inter reliquas, è quibus S. R. M. Auctoritatis diadema exstructum habet, gemmas, tanto maiore splendore rutilat, quanto maiote luce micat inter orbis, luna minores.

Quid dicam de mitissimo clementia & liberalitatis sidere ? Nota est S. R. Mtis multis misericordiis & hic, & bello Livonico benignissime exhibita mansuetudo : perspecta est eiusdem regia erga oppresos benevolentia : patet eximia in Ecclesiis & Scholas clementia atque liberalitas.

Vel hæc sola Salana, si ceteri omnes, quamquam minimè tacent, si tamen tantas S. R. Mtis virtutes aut celarent, aut negligenter haberent, hæc Salana quanta potest animi submissione à S. R. M. in se collata beneficia gratissimo animo agnoscit & prædicat : quæ cum cedro & lauru sint inscribi digna, tum hoc immortale est, quod S. R. M. non designata aliquando fuit ita se demittere, ut ad hæc subsellia hominum de Schola suorumque civium accederet laboresque discientium & docentium coram inspiceret. Ad Cratippum aliquando inviserat Pompeius ex Provincia reversus, vah ! quam miris elogio-

rum

rū cumulis hoc Magni factu fuit oneratum : quæ illi non fuerunt laudes hinc illinc dictæ : quæ prædicationes non fuerunt constitutæ : quid gratiarum actionis illi non fuit actum : eos fasces, quibus se oriens & occidens subniserat, tantum se inclinasse, ut Philosophi etiam domū subintrarent ? Multò maiora S. R. Mt. Principiatio, augusto, felici, Patriæ patri, debentur à nobis subditis præconia : nec solū præconia, sed faustissimæ, pro ista in hunc ordinem, quo ferè nihil estimatur quibusdam abiectius, insigni & singulari clementia, acclamations : *Vivat Rex*, quem Deus, ut maximæ reipub. maximus Rex esset, excitavit ! *Vivat Rex*, quem clementia educavit ! *Vivat Rex GVS TAVVS ADOLPHVS*, quem pietas enutrit ! *Vivat*. Has suæ Academiæ ad Deum preces ut S. R. M. clementissimo vultu respiciat : ipsi hi parietes supplice voce rogant.

Qua porrò fortitudine, quaque temperantia S. R. Mtis sacrosanctum auctoritatis suæ diadema firmaverit, paucis dici non potest. requirunt hæc integrum hominem, & longius orandi spatum. Continentiam enim & abstinentiam S. R. Mtis quis pius non admiratur ? quis fidus civis non effert ? In actionibus vero bellicis quæ vis magni animi, sagacisque mentis, in priscis he-

E 2

roibus

etiam autem, aut quae noui temporis esse potest, quam S. R. Mtas ex eo tempore, quo Regium solium coascendit, non ostenderit, in aper-
tumque lucem non produixerit: Ex plurimis hæc paucissima. Tumidus, & sibi plus quam alijs tribuens hostis, quibus hanc Renip. technis non est aggressus: quibus cuniculis non petiit: qui-
bus tergiversationibus & procrastinationibus non elusit: Hunc S. R. Mtas ex domesticis la-
tebris in apricum tandem campum castrensem compulit, feliciterque cum eo dimicavit. Per-
diderat ille paullò ante urbem Rigam: in reli-
quis Livoniae partibus adhuc cum suis exulta-
bat, & tantum non amphissimo nomini Svetico insultabat. Subtracta est ei hæc quoque lati-
animi materia & quasi seges, postquam S. R.
Mtas non solum universam Livoniam, quæ in-
tra VVitensteinum & Dunam est, iure belli
suam: sed in Lithvanos quoque impetum, fe-
licissimo successu, fecit. Dolet ille quidem &
retorquet nunc oculos ad has nobiles terras, &
illas sibi eruptas indignatur: verum, quanto ille
magis superbit, tanto DEus exalto S. R. Mtem
maiore felicitate heavit atque donavit. Te-
stantur id colles Selenburgiaci: testantur agri
Aerstanses: testantur propugnacula ad utram-
que Dunæ ripam excitata: testatur Biersensis
auditor

arcis

arcis expugnatio: testatur supra quā S. R.
Mtas, non sine miraculo, cum aeterna nominis
sui laude, ab hoste a. d. 7. Ianuarij reportavæ,
singularis Victoria.

Ad quas res maximas conficiendas S. R.
Mtas, licet ex inijs prudentiae & sapientiae ra-
dijs à divina Mte illustrata sit, non se tamen
ipsam solam in consilium, sed illustrissimos
quoque Regni Senatores, in auxilium auem for-
tissimum quemque militem; utrobique autem Deū
primò & semper advocavit. Ac certè quanta
prudentia domi disposita sic consilium & superior
de Senatorijs potentissimi huius Regni collegijs
commemoratio satis superque declarat. In sagro
autem non minor S. R. Mti felicitas obtigit.
Quā multos S. R. Mtas excellentes duces secum
hostes eduxit: rei militaris peritos, in agendo
cautos, in propulsandis periculis fortes, in ferir-
endo hoste intrepidos: Quis virtutem, quis
heroicum animum, quis fortitudinem ignorat
illusterrimorum & generosissimorum Dominorum
aut JACOBIDE La Gantie, quem iterū
honoris causa nominos aut SVNTONIS
Vanier in Durescholle/ aulae Marschali & Se-
natoris regni: aut GUSTAVI Horn/ in
Ranckes/ Equitis Aurati Senatoris regni:

E 3

aut COMITIS de Turm? aut JANI Ban-
nier, Equitis Aurati? quis horum & cæterorum
fortissimorum virorum magnanimitatē ignorat?
quis omnium civium huius regni subiectionem,
& qua S. R. Mitem unicē amplectuntur, benevo-
tentiam nescit? Osumniam Regis felicitatem!
O firmissimum Regij ex auctoritate confecti di-
adematis monumentum, & in toga & in lago,
domi forisq; habere tantos tamq; excellentes
rei gerenda consiliarios, tamq; obsequentes po-
pulos? Quid isti Republicæ, cuius moder-
atori hæc & superiora abunde adsum, ad beatitu-
dinem deesse poterit? & quid S. R. Mti, quid
Tibi, o potentissima Svecia, ad eam deest? cui
ista omnia Deus cumulatē indulxit? Geris qui-
dem bellum grave, sed externum: & geris non
cum tua laus exercituum Domino) iactura,
sed cum provinciarum perpetuæq; laudis tuæ
accessione: geris, non voluptatis, sed funda-
mentalium legum Regni conservandarum, er-
go a geliscum quodam tuo forte onere, sed quod
longè facilius est. Si tamen aliquod est, quam si
vidas in visceribus tuis videres hostem in reli-
gionem, in iura, in libertatem, coniuges, libe-
ratores, ipsam locum tuum civium, in templo scholasq;
candidibus, & odio nominis Christiani furio-
sus ardenter.

recp

req ardentius acerbat, q
entē: quod onus, si aliquod est, solatur cum pul-
chritudo regni & prudentia Consilij, tum Rex
pulcherrimus, pietate, religione Iustitia, Pru-
dentia, clementia, liberalitate, fortitudine, tem-
perantia clarissimus, per totum orbem, in staro-
lis nullis nubibus tecti, radios suw auctoratis
virtutumq; spargens, GVSTAVVS A-
DOLPHVS, Rex Serenissimus, Poten-
tissimus, invictissimus.

Hunc Regem, hunc Ecclesia Scholarumq; Ev-
ergeten, hunc patriæ civiumq; Parem beni-
gnissimum, cum Serenissima & Potentissima Re-
gina Domina clementiss, utramq; Majestatem Re-
giam, exaudiat Dominus in die necessitatis: pro-
tegat utramq; nomen Domini Jacob: mittat ipsi
auxilium de Sancto, & de Sion tueatur eam: tri-
buat utraq; secundum cor suum, & latabitur in
eius salutari: & Rex noster erigat in nomine Do-
mini vexillum: impletat Dominus omnes petitio-
nes ejus: Domine salutum fac; exaudiat nos Rex,
in die qua invocaverimus. Tum vero, si idem
DEVs, potentissima Republicæ regni Svecici,

illu;

Scholis harumq^z, Doctoribus, generosissime nobilitate, fortissimis militisibus, ornatisimis civibus, ipsis agris, collibus, monubus, mari deniq^z, **D E V S J E H O V A**, Domine exercituum, in his vels bene, dicas bene, facias bene, & nunc & in omnes & vternitates,

DIXI.



SERENISSIMI ET POTENTISSIMI
Principis ac Ducis

Principis ac Domini,

Dn. *Principis ac Domini,*
ADOLPHI GUSTAVI

ADOLPHI, Suecorum, Gothorum, Van-
dalorum Regis Invictissimi; Magni Princi-
pis Finlandiæ; Ducis Esthoniæ & Ca-
reliæ; Domini Ingriæ, &c: Re-
gis & Domini nostri Cle-
mentissimi.

DEBITUM ELOGIUM, Quo Præsertim

Quo præsertim

Res prisca Gotborum, conferuntur cum modernis Re-
gis Gustavi in Borussia & Germania bellis:
Gratulationis, euæcias, & debitæ gratitudinis lo-
co, ob Cœlestem & gloriosam illam victoriam de Ca-
sareanis, libertatis & religionis in Germania persecuto-
ribus, in Campo Lipsensi die 7. Sept. An: 1631, fe-
licissimè reportatam; Conscription & Publica
solemnitate die 7. Novemb. ejusdem an-
ni, in Regia Academia Up-
salensi, recitatum.

FONIA MAGNIVEX.
S. Th. Protet. Ord.

S. Th. Profess. Ordin

U B S A L I E,
Imprimebat Æschillus Matthiae, Anno 1632,